



文獻通考卷三百二十四

鄧 陽 馬 端 臨 貴 與 著

四裔考一

東

通典總序曰覆載之內日月所臨華夏居士中生物受氣正

李淳風云談天者入家其二家甘氏石氏渾天之類以度數推之則華夏居天地之中也歷代史倣國一

名日本在中國東扶桑復在倭國東約去中國三萬里近日出處貞觀中骨利幹國獻馬使云國在赤土國萬餘里夜短晝長從天色暝時煮羊足才熟而東方已曙蓋近日入處今崖州直南水行便風十餘日到赤土國其國到五月亭午物影卻在南一日三餐飯皆旋炊不然遠巡過時即便與敗熱氣時特甚蓋去日較近其人性地漸遠轉寒盡去日稍遠則洛陽告成縣土圭居覆載之中明矣唯釋氏一家論天地日月怪誕不可知也

和而才慧地產厚而類繁所以誕生聖賢繼施法教隨時拯弊因物利用三五以降代有其人君臣長幼之序立

五常十倫之教備孝慈生焉恩愛篤焉主威張而下安權不分而法一人大寶實在於斯三代以前列國更相征伐未嘗暫寧隋臣

制諸侯諸侯陵天子人貽錄摘月耗歲歲秦氏罷侯置守兩漢及隋唐戶口皆多於周室之前矣夫天生蒸民而樹君司牧語治者固當以既庶而安為本也昔賢曰失道而後德失德而後仁

失仁而後義失義而後亂誠謂削厚為薄散渥為澆又曰古者人至老死不相往來不變不爭自求自足蓋疾時

澆巧美往昔敦渥也然人之常情非今是古其朴質事少固信固可美而鄙風弊俗或亦有之緬惟古之中華多

類今之夷狄有居處巢穴焉

上古中華亦穴居野處後代聖人易之以宮室今承革國及黔中編有葬無封樹焉

死無棺槨草蓐屍以親土而葬上不起墳諸夷狄瘞葬或以火焚或棄水中澤衡州蠻人取死者骨小函子盛焉

其法各異不可偏舉矣有手團食焉蓋殷周之時中華人向以手團食故禮記云共飯不澤手有祭立尸焉三代

以中華人祭必立尸自秦漢則廢矣後魏文成帝拓跋濬時高允獻書云祭尸久廢今風俗父母亡後取其狀貌類者以為尸而祭焉宴好如夫妻事之如父母敗損風化顯風情禮又周隋變夷傳巴梁間風俗每春秋祭祀鄉里

有美髮而人迷迎為只以祭之今都道州人每祭聊陳一二不能徧舉夏商以前臣才諱君名子不諱父名自周紀迎同姓丈夫婦人伴神以享亦為尸之遺法周方諱耳今夷狄則皆無諱如此之類甚衆不可其地偏其氣梗不生聖哲莫革舊風訓誥之所不可禮義之所不及外而不內疏而不戚來則禦之去則

備之前代達識之士亦已言之詳矣歷代觀兵黷武討伐戎夷妄自羸秦禍患代有始皇恃百勝之兵威既平六國終以事胡為弊漢武資文景之積蓄務恢封略天下危若綴旒王莽獲元始之全實志滅匈奴海內遂至潰叛隋煬帝承開皇之殷盛三駕遼左萬姓怨苦而亡夫持盈固難知足非易唯後漢光武深達理源建武三十年人康俗阜臧宮馬武請殄匈奴帝報曰捨近而圖遠勞而無功捨遠而謀近逸而有終務廣地者荒務廣德者強有其者安貪人有者殘自是諸將莫敢復言兵事於戲持盈知足豈特治身之本亦乃治國之要歟宋文元嘉中比西漢文景中分命諸將經略河南致拓跋瓜步之師因而國蹙身試陳宣令主江明入安呂梁二我國家開元天寶之際宇內十萬卒悉為周師所虜由是力竭財竭旋為隋氏削平是昏昧持盈不能知足故也

謚如邊將邀寵競圖勳伐西陲青海之戍東北天門之師積西恒邇之戰雲南渡瀘之役沒於異域數十萬人中舒輪東吐蕃青海海中有一島置二萬人戍之旋為吐蕃所攻輸不能救而全沒安祿山討奚契丹於天門崑崙十萬衆沒高仙芝伐石國於恒邇斯川七萬衆盡沒楊國忠討蠻閣羅鳳十餘萬衆全沒向無幽寇

內侮天下四征未息離潰之勢其可量邪前事之元龜足為殷鑒者矣

東夷總序

東夷白虎通云夷者踣也言無禮儀或云夷者抵也言有九種曰吠夷方夷黃夷白夷赤夷元夷風夷陽夷千夷

率皆土著切運略喜切利飲酒歌舞或冠弁衣錦器用俎豆所謂中國失禮求之四夷者也凡蠻夷戎狄總名曰夷者隘公侯伯子男皆號

昔堯命羲仲宅嵎夷曰暘谷蓋日之所出也夏后氏大康失德夷人始叛其後知后發即位賓於二門獻其樂

舞桀為暴虐諸侯內侵商湯革命伐而定之至於仲丁藍夷作寇自是或服或叛三百餘年武乙衰弊東夷寢盛

遂分遷淮岱漸居中土周初封商太師國於朝鮮

太師爲周陳洪範其地今安東府之東悉爲東夷所據

時管蔡畔周乃招誘淮夷作亂周

公征定之其後徐夷僭號穆王命楚滅之

王也

至楚靈王會申亦來同盟後越遷琅琊遂陵暴諸夏侵滅小國秦

并天下其淮泗夷皆散爲人戶其朝鮮歷千餘年至漢高帝時滅武帝元狩中開其地置樂浪等郡至後漢末爲

公孫康所有魏晉又得其地其三韓之地在海島之上朝鮮之東南百濟新羅魏晉以後分三韓地新羅又在百

濟之東南倭又在東南

倭島和反

隔越大海夫餘在高麗之北挹婁之南其倭及夫餘自後漢百濟新羅自魏歷代並

朝貢中國不絕而百濟唐顯慶中蘇定方滅之高麗本朝鮮地漢武置縣屬樂浪郡時甚微弱後漢以後累代皆

受中國封爵所都平壤城則故朝鮮國王險城也後魏周齊漸强盛隋文帝時寇盜遼西漢王諒帥兵討之至遼

水遭癘疫而返煬帝三度親征初度遼水敗績再行次遼水會楊元感反奔退又往將達涿郡屬天下賊起及饑

饑旌師貞觀中太宗又親征度遼破之高宗總章初英國公李勣遂滅其國古之肅慎宜卽魏時挹婁自周初貢

楛矢石弩

音

至魏常道鄉公末東晉元帝初及石季龍時始皆獻之後魏以後曰勿吉國今則曰靺鞨焉大抵

東夷書文並同華夏其閩越之地秦平天下以爲郡及秦亂其帥又自稱王於故地武帝元封初楊僕滅其國遷

其人於江淮虛其地自後雖人庶復集遂爲郡縣矣 范曄論曰王制云東方曰夷夷者抵也言仁而好生萬物

抵地而出

事見風俗通

故天性柔順易以道御至有君子不死之國焉山經海曰君子衣冠帶劍食獸使二文虎在傍

外國圖曰去瑯琊三萬里山海經曰不死人在交脛東其國人黑色壽不死並在東方昔箕子逢衰殷之運避地

朝鮮始其國俗未有聞也及施八條之約使人知禁遂乃邑無淫盜門不夜扃

屬關也

回頑薄之俗就寬略之法行

數百千年故東夷通以柔謹爲風異乎三方者苟政之所暢則道義存焉仲尼懷憤以爲九夷可居或疑其陋子

曰君子居之何陋之有亦徒有以焉爾其後遂通接商賈漸交上國而燕人衛滿擾雜其風擾亂於是從而澆異焉老子曰法令滋彰盜賊多有若箕子之省簡文條而用信義其得聖賢作法之原矣

朝鮮

朝鮮晉張華曰朝鮮者泉水冽水山水三水合爲冽水疑樂浪朝鮮取名於此也昔武王封殷太師箕子於其地箕子教以禮義田蠶又制八條之教

前書曰其法相殺者以當時價殺相傷者以穀價相盜者男沒入其人家奴女子爲婢欲自願者人五十萬音義曰八條不見也其人終不相盜無門戶之閉婦人貞信飲食以

籩豆其後四十餘代至戰國時朝鮮準亦僭稱王始全燕時嘗略屬焉爲置吏築障塞秦滅燕屬遼東外徼秦遼東郡

唐安東府之東地及秦亂燕齊趙人往避地者數萬口漢興爲其遠難守復修遼東故塞至泚水爲界泚水旁屬燕王盧綰

反入匈奴燕王衛滿亡命聚黨千餘人魑杜回反結蠻夷服而東走出塞度泚水擊破朝鮮王準居秦故空地上下

障魏略曰昔箕子之後朝鮮侯見周衰燕自尊爲王欲東略地朝鮮侯亦自稱爲王欲興兵遂擊燕以尊周室

其大夫禮諫之乃止使禮西說燕燕止之不攻後子孫稍驕虐燕乃遣將秦開攻其西方取地二千餘里至滿潘

汗爲界朝鮮漢書及秦并天下使蒙恬築長城到遼東時朝鮮王否立畏秦襲之略服屬秦不肯朝會否死其子

準立二十餘年而陳項起天下亂燕齊趙民愁苦稍稍亡往準準乃置之於西方及漢以盧綰爲燕王朝鮮與燕

界於泚水及綰反入匈奴燕人衛滿亡命爲胡服東渡泚水詣準降說準求居西界故中國亡命爲朝鮮藩屏準

信寵之拜爲博士賜以圭封之百里令守西邊滿誘亡黨衆稍多乃詐遣人告準言漢兵十道至求入宿衛遂還

攻準與滿戰不敵也

後稍役屬眞番朝鮮諸夷及故燕齊亡命者王之都王險在泚水會孝惠高后時天下初定遼東太守卽約滿爲

外臣保塞外以故滿得兵威財物倭降其旁小邑真番臨屯皆來服屬地方數千里傳子至孫右渠所誘漢亡人
滋多初漢約朝鮮蠻夷君長欲入見天子勿得禁止以聞右渠既未嘗入真番辰國謂辰韓也欲上書見天子又
雍闕弗通元封二年漢使涉何譙諭右渠終不肯奉詔使裨士長送何至浪水何刺殺之歸報曰殺朝鮮將上爲
其名美弗詰拜何遼東東部都尉朝鮮怨發兵襲攻殺之漢遣樓船將軍楊僕從齊浮渤海兵五萬左將軍荀彘
出遼東誅右渠發兵距險漢兵不利天子爲兩將未有功乃使衛山因兵威往諭右渠右渠見使者頓首謝願降
恐將詐殺臣今見信節請服降遣太子入謝獻馬五千匹及饋軍糧人衆萬餘持兵方渡浪水使者與左將軍疑
其爲變謂太子已服降宜令人毋持兵太子亦疑使者左將軍詐之遂不度浪水復引歸山報天子誅山會兵圍
之右渠堅城守數月未能下朝鮮王乃私約降樓船兩將不相得兵久不決左將軍執樓船併其軍因急擊朝鮮
王不肯降元封三年夏尼谿相參乃使人殺王右渠來降遂定朝鮮爲真番臨屯樂浪元菟四郡後悉爲東夷之地昭帝
時罷臨屯真番以并樂浪元菟自內屬以後風俗稍薄法禁亦浸多至於六十餘條

滅音穢

滅亦朝鮮之地南與辰韓北與高句麗沃沮接東窮大海西至樂浪漢武帝元朔元年滅君南閭等畔朝鮮率二
十八萬口詣遼東內屬帝以其地爲蒼海郡數年乃罷至元封三年滅朝鮮分置四郡昭帝時并二郡入樂浪元
菟復徙元菟居句麗自單大嶺以東沃沮滅貊并屬樂浪後以境土廣遠復分嶺東七縣置樂浪東部都尉光武
建武六年省都尉官遂棄嶺東地悉封其渠帥爲縣侯皆歲時朝賀無大君長自漢以來其官有侯邑君三老統
主下戶其耆舊自謂與高麗同種言語法俗大抵相類其人性謹愿少嗜慾有恥男女衣皆著曲領男子繫銀花

廣數寸以爲飾爲俗重山川山川各有部分不得輒相干涉同姓不婚多所忌諱疾病死亡卽棄舊宅更作新居知種麻養蠶綿布曉候星宿先知年歲豐約不以珠玉爲寶常用十月祭天晝夜飲酒歌舞名曰舞天又祭虎以爲神其邑落有侵犯者輒相罰責生口牛馬名之爲責禍少寇盜作矛長三丈或數人共持之能步戰樂浪檀弓出其地又多文豹有果下馬高三尺乘之可於果樹下行也其海出班魚皮漢時常獻之魏齊王正始六年不耐滅侯等舉邑降四時詣樂浪帶方二郡朝謁並今東夷之地有軍征賦調如中華人焉

馬韓

韓有三種一曰馬韓後漢時通焉二曰辰韓三曰弁辰馬韓在西有五十四國其北與樂浪南與倭接辰韓在東
十有二國其北與濊貊接弁辰在辰韓之內亦十有二國其南亦與倭接凡七十八國百濟是其一焉六者萬餘
戶小者數千家各在山海閒地合方四千餘里東西以海爲限皆古之辰國也馬韓最大共立其種爲辰王都目
支國盡土三韓之地其諸王先皆是馬韓種人爲馬韓人知田蠶作綿布出大栗如梨有長尾雞尾長五尺邑落
雜居亦無城郭作土室形如冢開戶在上不知跪拜無長幼男女之別不貴金寶錦屬不知騎乘牛馬唯重纓珠
以綴衣爲飾及縣頸垂耳大率皆魁頭露紒魁頭俗科頭也謂以髮布袍草履其人壯勇少年有築室作力者輒
以繩貫脊皮縫以大木嚙呼爲健常以五月祭鬼神晝夜酒會羣聚歌舞舞輒數十人相隨蹋地爲節十月農功
畢亦復如之諸國邑各以一人主祭天神號爲天君又立蘇塗魏志曰諸國名有別邑爲蘇塗諸亡逃建大木以
縣鈴鼓事鬼神其南界近倭亦有文身者其國各有帥大者自名爲臣智其次爲邑借散在山海閒無城郭有愛
襄國半水國秦外國小石索國大石索國優休牟涿國臣濟沽國伯齊國速盧不斯國日華國古誕者國古離國

忍藍國月支國治離牟盧國素謂乾國古爰國莫盧國卑離國占離國占魯國支侵國狗盧國卑彌國監奚卑

離國古蒲國致利鞠國冉路國兒林國駟盧國內卑離國感奚國萬盧國辟卑離國舊斯烏旦國一離國不彌國

友半國狗素國樓盧國牟盧卑離國臣蘇塗國莫盧國古臘國臨素半國臣雲新國如來卑離國楚山塗卑離國

一難國狗奚國不雲國不斯濱邪國爰池國乾馬國楚離國凡五十餘國大國萬餘家小國數千家總十餘萬戶

辰王治月支國臣智或加優呼臣雲遣支報安邪跋支潰臣離兒不例拘邪秦支廉之號其官有魏率善邑君歸

義侯中郎將都尉伯長侯初朝鮮王準既爲衛滿所攻奪將其左右官人走入海攻馬韓破之自立爲韓王

子友親留在國者因冒造韓氏
韓王海中不與朝鮮相往來其後絕滅今韓人猶有奉其祭祀者準既滅馬韓人復自立爲辰王建武二十年

韓人廉斯人蘇馬謚等詣樂浪貢獻光武封蘇馬謚爲漢廉斯邑君使屬樂浪郡四時朝謁靈帝末韓滅並盛郡

縣不能制百姓苦亂多流亡入韓者獻帝建安中公孫康分屯有有鹽縣也有有鹽並漢遼東
屬郡唐並爲東夷地以南荒地爲帶方

郡遣公孫模張敞等收集遺民興兵伐韓滅舊民稍出是後倭韓遂屬帶方魏景初中明帝密遣帶方太守劉昕

樂浪太守鮮于嗣越海定二郡諸韓國臣智加賜邑君印綬其次爲邑長其俗好衣幘下戶詣郡朝謁皆假衣幘

自服印綬衣幘千有餘人部從事吳林以樂浪本統韓國分割辰韓八國以與樂浪晉武帝太康元年二年其王

頻遣使入貢方物七年八年十年又頻至太熙元年詣東夷校尉何龕上獻咸寧三年復來明年又請內附其王

來朝自後無聞三韓蓋爲百濟新羅所吞併又有州胡在馬韓之西海中大島上其人差短小言語不與韓同皆

髡頭如鮮卑但衣草衣有上無下略如裸勢養牛豕乘船來貨市韓中

辰韓

辰韓耆老自言秦之亡人避苦役來適韓國馬韓割其東界地與之有城柵其言語有類秦人由是或謂之爲秦韓其王常用馬韓人作之世世相係襲辰韓不得自立爲王明其爲流移之人故也其名國爲邦弓爲弧賊爲寇行酒爲行觴相呼皆爲徒諸小邑各有渠帥大者名臣智次有險側次有樊穢次有殺奚次有邑借皆其官名土地肥美宜五穀知蠶桑作織布乘犛牛馬嫁娶以禮其俗男女有別以大鳥羽送死其意欲使死者飛揚國出鐵韓濊倭皆從取之諸市賈皆用鐵如中國用錢又以供給二郡俗喜歌舞飲酒鼓琴瑟其瑟形似筑彈之亦有音曲兒生便以石厭其頭欲其匾故辰韓人皆匾頭匾音補典反男女近倭亦文身便步戰兵仗與馬韓同其俗行者相逢皆住讓路晉武帝太康中三來朝貢

弁辰

弁辰與辰韓雜居亦有城郭衣服居處與辰韓同言語風俗相似祠祭鬼神有異施龜皆在戶西其人形皆長大美髮衣服潔清而刑法嚴峻其國近倭故頗有文身者

夫餘

夫餘國在元菟北千里南與高句麗東與挹婁西與鮮卑接北有弱水地方二千里本濊地也初北夷索離國王出行索或作桑音度洛反其侍兒於後倭身倭音人王還欲殺之侍兒曰前見天上有氣大如雞子來降我因以有身王因

之後遂生男王令置於豕牢豕牢音豕以口氣嘘之不死復徙於馬蘭蘭音馬亦如之王以爲神乃聽母收養名曰

東明夷明長而善射王忌其猛復欲殺之東明奔走南至掩淪水今高麗中有蓋斯水疑此水是也以弓擊水魚鼈皆聚浮水上

東明乘之得度因至夫餘而王之焉於東夷之域最爲平敞土宜五穀出名馬赤玉貂狝狝似豹無前足音奴八反大珠如酸

棄以員柵爲城有宮室倉庫牢獄其人龐大疆勇而謹厚不爲寇鈔以弓矢刀矛爲兵以六畜名官有馬加牛加狗加其邑落皆主屬諸加食飲用俎豆會同拜爵洗爵揖讓升降以臘月祭天大會連日飲酒歌舞名曰迎鼓是時斷刑獄解囚徒有軍事亦祭天殺牛以踞占其吉凶

魏志曰牛雖解者爲凶合者爲吉

行人無晝夜好歌吟音聲不絕其俗用

刑嚴急被誅者皆沒其家人爲奴婢盜一責十二男女淫皆殺之尤治惡妒婦既殺復尸於山上兄死妻嫂死則有槨無棺殺人殉葬多者以百數其王葬用玉匣漢時常豫以玉匣付元菟郡王死則迎取以葬焉建武中東夷

諸國皆來獻見二十五年夫餘王遣使奉貢光武厚答報之於是使命歲通至安帝永初五年夫餘王始將步騎七八千人寇鈔樂浪殺傷吏民後復歸附永寧元年乃遣嗣子尉仇台詣闕貢獻天子賜尉仇台印綬金綵順帝永和元年其王來朝京師帝作黃門鼓吹角觝戲以遣之桓帝延熹四年遣使朝賀貢獻永康元年王夫台將二萬餘人寇元菟太守公孫城擊破之斬首千餘級至靈帝熹平三年復奉章貢獻夫餘本屬元菟獻帝時其王求屬遼東云漢末公孫度雄張海東威服外夷夫餘王尉仇台更屬遼東時句麗鮮卑疆度以夫餘在二虜之間妻以宗女尉仇台死簡位居立無適子有孿子麻余位居死諸加其立麻余牛加兄子名位居爲大使輕財善施國人附之歲歲遣使詣京師貢獻魏正始中幽州刺史田邱儉計句麗遣元菟太守王須詣夫餘位居遣犬加郊迎供軍糧季父牛加有二心位居殺季父父子籍沒財物遣使薄斂送官舊夫餘俗水旱不調五穀不熟輒歸咎於王或言當易或言當殺麻余死其子依慮年六歲立以爲王晉太康六年爲慕容廆所襲破依慮自殺子弟走保沃沮夫餘庫有玉璧珪璣數代之物傳世以爲寶舊老言先代所賜也

魏略曰其國殷富自先世以來未嘗破壞武帝以何龕爲

護東夷校尉明年夫餘後王依羅遣使詣龕求率見人還復舊國龕遣督護賈沈以兵送之廆又要之於路沈與

戰破之依羅乃得復國爾後每爲虜掠其種人賣於中國帝又以官物贖還禁市夫餘之口自後無聞

倭卽日本

倭在韓及帶方郡東南大海中依山島爲居去樂浪郡境及帶方郡並一萬二千里凡百餘國自漢武帝滅朝鮮

使驛通於漢者三十許國國主稱王世世傳統其大倭王居邪馬臺國按今名邪摩樂浪徼去其國萬二千里去

其西北界拘邪韓國七千餘里其地大較在會稽東冶之東與朱崖儋耳相近故其法俗多同土宜禾稻麻紵蠶

桑知織績爲縑布出白珠青玉其山有丹土氣溫暖冬夏生菜茹無牛馬虎豹羊鵲鵲或作鵲其兵有矛楯木弓竹矢

或以骨爲鏃男子皆黥面文身以其文左右大小別尊卑之差其男子皆橫幅結束相連女人被髮屈紒衣如單

被貫頭而著之並以丹朱說文曰切歷也音蒲遍反如中國之用粉也有城柵屋室父母兄弟異處唯會同男女無別飲

食以手而用籩豆俗皆徒跣以躡踞爲恭敬人性嗜酒多壽考至百餘歲者甚衆國多女子大人皆有四五妻其

餘或兩或三女人不淫不妒又俗不竊盜少爭訟犯法者沒其妻子重者滅其門族其死停喪十餘日家人哭泣

不進酒食而等類就歌舞爲樂灼骨以卜用決吉凶行來度海令一人不櫛沐不食肉不近婦人名曰持衰若在

塗吉利則顧以財物如病疾遭害以爲持衰不謹便共殺之建武中元二年倭奴國奉貢朝賀使人自稱大夫倭

國之極南界也光武賜以印綬安帝永初元年倭國王帥升等獻生口百六十人願請見桓靈間倭國大亂更相

攻殺歷年無主有一女子名曰卑彌呼年長不嫁事鬼神道能以妖惑衆於是共立爲王侍婢千人少有見者唯

有男子一人給飲食傳辭語居處宮室樓觀城柵皆持兵守衛法俗嚴峻自女王國東度海千餘里至拘奴國雖

皆倭種而不屬女王自女王國南四千餘里至侏儒國人長三四尺自侏儒東南行船一年至裸國黑齒國使驛

所傳極於此矣會稽海外有東鯤人

鯤音遼奚反分爲二十餘國

又有夷州及澶州傳言秦始皇遣方士徐福將童男女數千

人入海

事見史記

求蓬萊神仙不得徐福畏誅不敢還遂止此州世世相承有數萬家人民時至會稽市會稽東治縣

人有入海行遭風流移至澶州者所在絕遠不可往來

南史倭國南海有海人身黑眼白裸而醜其肉美行者或射而食之文身國在倭東北七千里人墮有文如獸其類

上有三文文直者貴文小者賤土俗歌樂物豐而賤行客不賣糧有屠字無城郭國王所居飾以金銀珍麗繞屋

負壘廣一丈實以水銀雨則流於水銀之上市用珍寶犯罪輕者鞭杖死罪則置猛獸食之有枉則歌避而不食

經宿則散之大漢國在文身國東五千餘里無兵戈不攻戰風俗並與文身國同而言語異倭國有獸如牛名曰山鼠又有大蛇吞此獸蛇皮堅不可斫其上有孔乍開乍閉時或有光射中之蛇則死矣

魏志曰

從帶方郡至倭循海岸水行歷韓國乍南乍東到其北岸拘邪韓國七千餘里至對海國其大官曰卑狗副曰卑

奴母離所居絕島方可四百餘里土地山險多深林道路如禽鹿徑有千餘戶無良田食海物自活乘船南北市

糴又南渡一海千餘里名曰瀚海至一大國官亦曰卑狗副曰卑奴母離方可三百里多竹木叢林有三千許家

差有田地耕田猶不足食亦南北市糴又渡一海千餘里至末盧國有四千餘戶濱山海居草木茂盛行不見前

人好捕鰓魚水無深淺皆沈沒取之東南陸行五百里到尹都國官曰爾支副曰泄謨觚柄渠觚有千餘戶世有

王皆統屬女玉國郡使往來常所駐東南至奴國百里官曰兕馬觚副曰卑奴母離有二萬餘戶東行至不彌國

百里官曰多模副曰卑奴母離有千餘家南至投馬國水行二十日官曰彌彌副曰彌彌那利可五萬餘戶南至

邪馬一國女王之所都水行十日陸行一月官有伊支馬次曰彌馬升次曰彌馬獲支次曰奴佳鞮可七萬餘戶

自女王國以北其戶數道里可得略載其餘旁國遠絕不可得詳次有斯焉國次有已百支國次有伊邪國次有

郡支國次有彌奴國次有好古都國次有不呼國次有姐奴國次有對蘇國次有蘇奴國次有呼邑國次有華奴

蘇奴國次有鬼國次有爲吾國次有鬼奴國次有邪馬國次有躬臣國次有巴利國次有支惟國次有烏奴國次

有奴國此女王境界所盡其南有拘奴國男子爲王其官有狗古智卑狗不屬女王自郡至女王國萬二千餘里
魏景初二年既平公孫氏倭女王遣大夫難升米等詣郡求詣天子朝獻太守送詣都乃以金印紫綬封爲親魏
倭王升難米等並拜中郎校尉假銀印青綬勞賜優渥正始元年太守弓遵遣使奉詔書印綬并齋詔賜金帛錦
屬刀鏡綵物倭王國使上表答謝詔恩其四年復遣使上獻生口方物八年太守王頎到官倭女王卑彌呼與狗
奴國男王卑彌弓平素不和遣使詣郡說相攻擊狀遣塞晉掾史張政等齋詔告諭之卑彌呼死更立男王國中
不服更相誅殺復立卑彌呼宗女壹與年十三爲王國中遂定壹與遣使送政等還因獻男女生口貢白珠青六
句珠異文雜錦晉武帝太始初遣使重譯入貢安帝時倭王讚遣使入朝貢宋武帝永初二年詔曰倭讚遠誠宜
甄可賜除授文帝元嘉二年讚又遣使奉表獻方物讚死弟珍立遣使貢獻自稱使持節都督倭百濟新羅任那
牽韓慕韓六國諸軍事安東大將軍倭國王表求除正詔除安東將軍倭國王珍又求除正倭消等十三人平西
征虜冠軍輔國將軍等號詔並聽之二十年倭國王濟遣使奉獻復以爲安東將軍倭國王二十八年加使持節
都督倭新進任那加羅秦韓慕韓六國諸軍事安東將軍如故并除所上二十三人職濟死世子興遣使貢獻孝
武大明六年詔授興安東將軍倭國王興死弟武立自稱使持節都督倭百濟新羅任那加羅秦韓慕韓七國諸
軍事安東大將軍倭國王順帝昇明二年遣使上表言自昔祖彌躬擐甲胄跋涉山川不遑寧處東征毛人五十
五國西服衆夷六十六國陵平海北九十五國王道融泰廓土遐畿累葉朝宗不愆於歲道徑百濟裝飾船舫而
句麗無道圖欲見吞臣亡者濟方欲大舉奄喪父兄使垂成之功不獲一簣今欲練兵申父兄之志竊自假開府
儀同三司其餘咸各假授以勸忠節詔除武使持節都督倭新羅任那加羅秦韓慕韓六國諸軍事鎮東大將軍梁

武帝卽位進武號征東大將軍陳平至隋開皇二十年倭王姓阿每字多利思比孤號阿輩雞彌遣使詣闕上令所司訪其風俗使者言倭王以天爲兄以日爲弟天明時出聽政跣趺坐日出便停理務云委我弟文帝曰此大無義理於是訓令改之王妻姓雞彌沒官有女六七百人名太子謂利歌彌多弗利無城郭內官有十二等一曰大德次小德次大仁次小仁次大義次小義次大禮次小禮次大智次小智次大信次小信員無定數有軍尼一百二十人猶中國牧宰八十戶置一伊尼翼如今里長也十伊尼翼屬一軍尼其服飾男子衣裾襦其袖微小屨如屨形漆其上繫之脚人席多跳足不得用金銀爲飾故時衣橫幅結束相連而無縫頭亦無冠但垂髮於兩耳上至隋其王始制冠以錦綵爲之以金銀鏤花爲飾婦人束髮於後亦衣裾襦裳皆有覆幘竹聚以爲梳編草爲薦雜皮爲表緣以文皮有弓矢刀稍弩矟漆皮爲甲骨爲矢鏑雖有兵無征戰其王朝會必陳設儀仗其國樂戶可十萬俗殺人強盜及姦皆死盜者計贓酬物無財者沒身爲奴自餘輕重或流或杖每訊冤獄不承引者以木壓膝或張強弓以弦鋸其項或置小石於沸湯中令所競者探之云理曲者卽手爛或置蠅囊中令取之云曲者卽螫手人頗恬靜罕爭訟少盜賊樂有五絃琴笛男女多黥臂黥面文身沒水捕魚無文字唯刻木結繩敬佛法於百濟求得佛經始有文字知卜筮尤信巫覡每至正月一日必射戲飲酒其餘節略與華同好棋博握槊搏蒲之戲氣候溫暖草木冬青土地膏腴水多陸少以小環挂鸕鷀項令入水捕魚日得百餘頭俗無盤俎藉以櫛葉食用手舖之性質直有雅風女多男少婚嫁不取同姓男女相悅者卽爲婚婦入夫家必先踰火乃與夫相見婦人不淫妒死者斂以棺槨親賓就屍歌舞妻子兄弟以白布制服貴人三殯庶人卜日而殯及葬置屍船上陸地牽之或以小輿有阿蘇山其石無故火起接天者俗以爲異因行禱祭有如章寶珠其色青大如雞卵夜則

有光云魚眼睛也新羅百濟皆以倭爲大國多珍物並仰之恆通使往來大業三年其王多利思比孤遣朝貢使
者曰聞海西菩薩天子重興佛法故遣朝拜兼沙門數十人來學佛法國書曰日出處天子致書日沒處天子無
恙云云帝覽不悅謂鴻臚卿曰夷書有無禮者勿復以聞明年上遣文林郎裴世清使倭國度百濟行至竹島南
望耽羅國經都斯麻國迺在大海中又東至一支國又至竹斯國又東至秦王國其人同於華夏以爲東洲疑不
能明也又經十餘國達於海岸自竹斯國以東皆附庸於倭倭王遣小德何輩臺從數百人設儀仗鳴鼓角來迎
後十日又遣大禮奇多毗從二百餘騎郊勞既至彼都其王與世清來貢方物次後遂絕唐太宗貞觀五年遣使
入朝帝矜其遠詔有司無拘歲貢遣新州刺史高仁表往諭與王爭禮不平不肯宣詔而還久之更附新羅使者
上書求徵初其王孝德卽位改元白雉獻琥珀碼碯時新羅爲高麗百濟所暴高宗賜璽書令出兵援新羅未幾
孝德死子天豐財立死子天智立明年使者與蝦蟇人偕朝蝦蟇人亦居海島中其他者鬚長四尺許珥箭於首
令人戴瓠立數百步射無不中者天智死子天父立死子總符立咸亨元年遣使貢平高麗後稍習夏音惡倭名
更號日本使者自言國近日所出以爲名或云日本乃小國爲倭所併故冒其號使者不以情故疑焉又妄夸其
國都方數千里南西盡海東北限大山其外卽毛人云長安元年其王文武立改元曰大寶遣朝臣眞人栗田貢
方物朝臣眞人者猶唐尙書也冠進德冠頂有華藻四被紫袍帛帶眞人好學能屬文進止有容武后宴之麟德
殿授司膳卿還之文武死子阿用立死子聖武立改元曰白龜開元初粟田復朝請從諸儒授經詔四門助教趙
元默卽鴻臚寺爲師獻大幅巾爲贊悉贊物貨書以歸其副朝臣仲滿慕華不肯去易姓名曰朝衡歷左補闕儀
王友多所該識久乃還聖武死女孝明立改元曰天平勝寶大寶十二載朝衡復入朝上元中擢左散騎常侍安

南都護新羅梗海道更繇明越州朝貢孝明死大炊立死以聖武女高野姬爲王死白蠟立建中元年使者真人興能獻方物真人蓋因官而氏者興能善書其紙似蠟而澤人莫識貞元末其王曰桓武遣使者朝其學子橘免勢浮屠空海願留肄業歷二十餘年使者高階真人來請免勢等俱還詔可次諾樂立次嵯峨次淳和次仁明仁明直開成四年復入貢次文德次清和次陽成次光孝直光啟元年其東海嶼中又有邪古波邪多尼三小王北距新羅西北百濟西南直越州有絲絮怪珍云宋雍熙元年本國僧裔然與其徒五人浮海而至獻銅器十餘事并本國職員今年代紀各一卷裔然衣綠自云姓滕原氏父爲眞連眞連其國五品官也裔然善隸書而不通華言問其風土但書以對上召見存拊甚厚賜紫衣上問其國王一姓傳繼臣下皆世官因謂宰相曰此島夷耳乃世祚遐遠其臣亦繼襲不絕蓋古之道也中國唐季寓縣分割梁周五代享歷尤促大臣世胄鮮能嗣續可歎也其國多中國典籍裔然之來復得孝經一卷越王孝經新義第十五一卷皆金縷紅羅縹水晶爲軸孝經卽鄭氏註者越王乃唐太宗子越王貞新義者記室參軍任希古等撰也裔然又求印本大藏經詔給之元二年隨台州寧海縣商人船歸其國後數年遣弟子奉表來謝又別啟貢佛經及方物 裔然書曰國中有五經書及佛經白居易集七十卷並得自中國土宜五穀而少麥交易用銅錢文曰乾文大寶畜有水牛驅羊多犀象產絲蠶多織絹薄緻可愛樂有中國高麗二部四時寒暑大類中國國之東境接海島夷人所居身面皆有毛東奧州產黃金西別島出白銀以爲貢賦國王以王爲姓傳襲至今王六十四世文武僚吏皆世官其年代紀所記云初主號天御中主次曰天材雲尊其後皆以尊爲號次天八重雲尊次天忍尊次膽波尊次萬魂尊次利利魂尊次國狹槌尊次角翼魂尊次津丹尊次面重見尊次國常立尊次天鑑尊次天萬尊次珠名杵尊次伊壯大尊次素戔烏尊

次天照火神尊次正哉吾勝連日天押穗耳尊次天彥尊次炎尊次彥瀲尊以上凡十三世並都於筑紫日向宮彥瀲第四子號神武天皇自筑紫宮大厩入和州彥原宮卽位元年甲寅當周僖王時次綏靖天皇次安寧天皇次懿德天皇次孝昭天皇次孝安天皇次孝靈天皇次孝元天皇次開化天皇次崇神天皇次垂仁天皇次景行天皇次城務天皇次仲哀天皇國人言今爲鎮國香椎大神次神功天皇開化天皇之曾孫女又謂之息長足姬天皇國人言今爲太素良姬大神次應神天皇始於百濟得中國文字今號八番菩薩有大臣號紀武內年三百七歲次仁德天皇次履中天皇次反正天皇次允恭天皇次安康天皇次雄略天皇次顯宗天皇次仁賢天皇次武烈天皇次繼體天皇次安閑天皇次宣化天皇次天國排開廣庭天皇亦名銘明天皇壬申歲始傳佛法於百濟國當此梁承聖元年次達海天皇次用名天天皇有子曰聖德太子年三歲聞十人語同時解之七歲悟佛法於菩提寺講聖賢經天雨曼陀羅華當此隋開皇中遣使泛海至中國求法華經次崇峻天皇次推古天皇敏明天皇之女也次舒明天皇次皇極天皇次孝德天皇白雉四年律師道照佛法至中國從三歲僧元重授經律論當此永徽四年也次天豐財重日足姬天皇令僧智通等入唐求大乘法相教當此顯慶三年也次天智天皇次天武天皇次持總天皇次文武天皇大寶三年當此長安元年遣粟田真人入唐求書籍律師道慈求經律次阿閉天皇次賁天皇次聖武天皇寶龜元年遣僧正元昉入朝當此開元四年也次孝明天皇武聖天皇之女也天平勝寶四年當此天寶中遣使及僧入唐求內外經教及傳戒次大炊天皇次高野天皇聖武天皇之女也次白壁天皇遣二僧靈仙行賀入唐禮五臺山學佛法次恆武天皇遣騰元萬野與空海大師及延歷寺僧澄入唐詣天台山傳智者正觀義元和元年也次諸天皇次諾樂天皇次嵯峨天皇次淳和天皇次仁明天皇當此開成